

INUIT ATAQATIGIIT

INATSISARTUNI



UPA 24 / 22/50

9. Arpil 2024

Mikivsuk Thomassen

Siunnersuut uunga: Utoqqalinersiaqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Isumaginninnermut, Ilaqtariinut, Suliffeqarnermut Nunamullu Namminermut
Naalakkersuisoq)

**Isertitat annertussusaat malillugit utoqqalinermi soraarnerussutisiat
ilanngarneqartarunnaarlutilluunniit atorunnaarsinnejartarunnaarsillugit,
Naalakkersuisut utoqqalinersiaqarneq pillugu Inatsisartut inatsisaannut
allannguutissatut siunnersummik suliaqarnissamik peqquneqarnissaannik
Inatsisartunut aalajangiiffigisassatut siunnersuut.**

(Inatsisartunut ilaasortaq Mariane Paviaisen, Inuit Ataqatigiit)

Utoqqalinersiaqartup aappaata isertitaat aallaavigalugit utoqqalinersiaqartarneq
pillugu Naalakkersuisut sunnersuutaat kiisalu Inuit Ataqatigiit sinnerlugit Mariane
Paviaisenip siunnersuutaa; utoqqalinersiaqaatigaluni sulinikkut isertitaqartut
utoqqalinersiaminnik ilanngartuunneqartannginnissaannut tunngasoq, aatsikkut
oqaaseqarfigissavakka.

Utoqqaat ukiuni arlalinni sulinermikkut nunatsinnut annertuumik iluaqutaallutik
kivitseqataanikupput.

Inuit Ataqatigiinniit siuliini oqaatigisarparput siunissaq eqqarsaatigalugu utoqqaat
atugaat pitsangorsaaqataaffigerusullugit ulluinnarni pitsaanerusumik
atugaqartuarnissaat qulakkeerinneqartaarusulluta.

Aapparisap isertsitaat aallaavigalugit utoqqalinersiaqartarneq ukiuni arlalinni
oqallisigisarsimavagut assigiinngitsutigullu eqqartortarlutigit, utoqqaallu pillugit

INUIT ATAQATIGIIT

INATSISARTUNI



eqqartuisarnerput unissanngitsoq kissaatiginaqaaq suli siunissaq eqqarsaatigalugu aaqqitassaqanik malitseqarumaarnera ilimagilluinnarpara.

Aaqqiissutissarsiorneq peqataaffigisarsimasarput aammaarluta peqataaffigissagatsigu. Naalakkersuisut allannguutissatut siunnersuutaat taperseratsigu.

Aamma Mariane Paviaisenip siunnersuutaa utoqqalinersiaqarluni utoqqalinersianik ilanngaatsinngikkaluarluni sulinikkut saniatigut isertitaqarsinnaanissamik ammaassiniissamik siunertalik aamma suleqataaffigissavarput.

Taamaatumik Inatsisissatut sunnersuut Ilaqtariinnermut Peqqissutsimullu Ataatsimiittitaliamut suliarilluaqqullugu inersuupparput.